



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Histrio.

urn:nbn:de:hbz:466:1-30427

sed oppositū pertinaciter affirmat, est hæreticus, quæ pertinacia depræhenditur, quando declarato errore, stat quis pertinax, quando depræhensus à iudice in huiusmodi nõ vult abiurare, nec resilire, modo supra dicto. Dubitare etiam de huiusmodi cum consensu rationis, est hæresis, & mortale peccatum: quia dubius in se dicitur infidelis, c. dubius eod. Deber igitur Christianus in credendis firmus esse, nec dubitare.

²⁸ HAERESIS ad vitium superbiæ potest reduci, & est magnum peccatū: quia subuertit fundamentum totius boni operis, sine quo salus esse non potest.

²⁹ DE inuentoribus hæresum, vide directorum inquisitorum. Tab. ibi. §. 27. vsque §. 31. Quomodo inquisitores se debent habere erga hæreticos, vide Sil. ver. hæresis, 2. & de lamijs, ibi. 3. Si hæreticus fecit aliquem actū exteriorum, vel dixit verbum hæreticū etiam sibi soli secretè, est excommunicatus in cæna Domini, &c.

HERMAPHRODITVS.

¹ HERMAPHRODITVS habens vtrumque sexum, qui magis ad fæmineum declinat, non potest esse testis in testamento, sicut nec mulier: secundum gloss. in capit. si testes. 4. q. 3. secus, si magis ad masculinum vergit. Si est paritas: secundum Guliel. censetur vt mulier: & ita non admit tendus, nisi vt mulier: sed d. gloss. non determinat.

² Si virilis sexus magis incalescit, non tamen debet ordinari: quia est quid monstruosum. argu. in c. illiteratos. d. 36. si ordinetur, characterem recipit, non autem si est sexus par, vel fæmineus magis: secundum d. Guliel. quo autem ad contrahendum, debet considerari sexus validior, quod sit sit par, eius electioni stabitur: secundum dict. gloss. & Bald. in l. queritur ff. de stat. hom. & hanc dicit esse Gulielm. determinationem, quæ etiam rationabilis satis videtur.

HYPOCRISIS, supra, Fictio, id est, simulatio.

HISTRIO.

¹ HISTRIONVM ars consistit in dando delectationem alijs, in dictis, vel factis: ideo si debitis circūstantijs exerceatur, non est peccatum: secundum Tb. secunda secundæ. q. 169. a. 3. Respectu materiæ potest esse peccatum: vt si versetur circa dicta, vel facta inhonestæ, vel ponendo diuina, vel scripturam sacram in locū, vel dicendo iniuriosa, despectiua, adulatoria, & huiusmodi. Peccatur etiam respectu loci, temporis, negotij, personarū, dū horum aliquid non obseruant. Ex fine etiam contingit peccare, dum nimis capiunt hominibus placere. Et communiter est veniale, nisi quando interuenit materia ex suo genere mortalis: vt iniuria proximi, contemptus diuinorum, & similia. Et propter hæc annexa, hæc ars damnatur cum danibus. c. donare. dist. 86. Istis negatur cōmunio. c. per dilectionem. de consecr. distinct. 2. quod tamen non fieret, nisi propter mortale.

² DANTEs eis aliquid, vt in tali crimine, vel officio damnato perseueret, mortaliter peccant: secus si dant: quia sunt in extrema miseria, vel ne eos dif fament, vel alio pio respectu. Et d. ca. donate. debet intelligi de illicitis modis. Dicit Gul. quod qui dant huiusmodi histrionibus, vel maledicis, ne de ipsis mala euomant, eosque infamet, non peccate eos credit.

HOMICIDIUM.

¹ HOMICIDIUM, id est iniusta hominis occisio, mortale peccatum est, quia contra iustitiam, & proximi charitatem. Aliquando est per se intentum, aliquando per accidens. Occidens autem aliquem innocentem voluntariè, mortaliter peccat. Excusantur tamen iudex, & ministri, innocentes occidentes, secundū allegata, & probata: quia licet sit innocens in cōscientia, non tamen in foro exteriori, & apud homines. Excusantur etiam milites ex obedientia euntes ad bellū, quod reputatur iustum, si ibi aliquos occidunt, etiam in veritate innocentes, licet non reputentur: secundum

Caleta.